



MAXIMILIANVS

DIVINA FAVENTE CLEMENTIA, Romanorum Imperator, semper Augustus, ac Germaniæ, Hungariæ, Dalmatiæ, Croatiæ &c. Rex Archidux Austriæ, Dux Burgundiæ, Brabantie, &c. Comes Palatinus &c. Honeſto fideli nobis dilecto LVCAE ALANTSÆ civi nostro, & Bibliopolæ Viennens. gratiam nostram cæsaream & omne bonum. Vidimus tabulas geographicas, VADIANIS commentarijs in Pomponium Melam adiunctas nobis tuo nomine oblatas. Quæ ut nobis mirum in modum placuerunt, ita uehementer cupimus, ut ea forma ad omnium bonarum literarum studiosorum usum publicentur. Quod & si te haud grauare nostri gratia etiam impensis magnis facturum sciamus. Ne tamē priuata res tua incommodetur, quando quidem indignum censemus laborem, impensas, & officia tua pari aliorum opera secundariæ editionis defraudari, maxime ubi iussus uotumque nostrum intercedit præſenti nostro cæsareo edicto, omnibus, & singulis, cuiuscunque conditionis existant, Chalcographis, & librorum impressoribus ubilibet locorum in sacro Romano imperio, etiam in terris nostris hæreditarijs constitutis, sub pœna infraſcripta districtius inhihemus, ne præſatas Tabulas, & insigne etiam PLYNII opus quod tuis accepimus impensis, à Thoma Anshelmo diligenti admodum Calcographo, in Municipio nostro cæsareo Hagenogien. ad Hermolai Barbari castigationem, una cum CAMERTIS nostri, ut laboriosissima, ita maxime utili Tabula in primis, nec non alia opera, quæ iuxta priuilegium & gratiam nuper tibi factam post præſentium datam sub nomine, & signis tuis edes, per Sexennium à data editionis cuiuslibet talium Tabularum, operum, seu librorum imprimere, aut alibi impressa intra Imperij & ditionum nostrarum limites, & in eorundem locis uenundare præſumat, audeat seu attentet. Non obstantibus quibuscunque in contrarium emanatis aut concessis. Mandantes omnibus & singulis nostris & sacri Imperij fidelibus dilectis, cuiuscunque status, conditionis, & dignitatis etiam si Archiepiscopalis, Pontificalis, Archiducalis, Ducalis, Marchionalis. Baronalis, Nobilitaris, & alterius cuiuscunque præeminentiæ Magistratus seu officij, siue ecclesiastici, siue secularis extiterint, sub pœna indignationis nostræ & sacri Imperij grauissime, atque decem Marcharum auri puri, pro una Fisco nostro imperiali, & pro altera medietatibus tibi LVCAE totiens quotiens huic inhibitioni, uoluntati, & gratiæ nostræ contrafactum fuerit, applicandarum ut in præmissis tibi oportuno fauore adſistant, ac omnes & singulos contra hanc gratiam, & in

hibitionem nostram quicquam facere præsumentes huiusmodi indignati-
onis nostræ & pœnæ sententiã nostro nomine incurrisse protinus declarẽt,
& cohibeant, sub artificio impressorum non utendi, amissionis quoque ta-
lium librorum sic (ut præmittitur) contra hanc nostram concessio-
nem, gratiam & priuilegium impressorum & adductorum. Teq;
ubi eos per te uel tuos requisieris, tenore præsentium, aut
harum transumpto autentico, cui eam fidem adhiberi

uolumus. Quæ his nostris præsentibus adhiberi so-
let & debet, præfata nostra Gratia & Priuilegio
frui & gaudere sinant, & ab alijs pariter
obseruari faciant, in quantum & ipsi
prædictas pœnas euitare malue-
rint. Harum testimonio lite-

rarum Sigilli nostri im-
pressione munitas
rum. Datũ in
ciuitate

no-
stra Impes-
riali Augusta, die
uicesima Mensis Iulij. Anno
domini Millesimo quingentesimo
decimooctauo. Regnorũ nostrorũ Ro. XXXIII. Hungariæ uero. XXIX.

Per regem p.

**Ad mandatum Cæsareæ
Maiestatis proprium.**

Jacobus Spiegel.

ij